

*MASTER
NEGATIVE
NO. 92-81092-19*

MICROFILMED 1993

COLUMBIA UNIVERSITY LIBRARIES/NEW YORK

as part of the
"Foundations of Western Civilization Preservation Project"

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States - Title 17, United States Code - concerns the making of photocopies or other reproductions of copyrighted material.

Under certain conditions specified in the law, libraries and archives are authorized to furnish a photocopy or other reproduction. One of these specified conditions is that the photocopy or other reproduction is not to be "used for any purpose other than private study, scholarship, or research." If a user makes a request for, or later uses, a photocopy or reproduction for purposes in excess of "fair use," that user may be liable for copyright infringement.

This institution reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR:

FROTSCHER, KARL H.

TITLE:

Q. ASCONIUS PEDIANUS
IN M. TULLII CICERONIS..

PLACE:

FREIBURG

DATE:

1845

Master Negative #

92-81092-19

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

87CN4 . Frotscher, Karl Heinrich, 1796-1876, ed.

DZ6

Asconius Pedianus, Quintus.

Q. Asconius Pedianus in M. Tullii Ciceronis
orationem pro T. Annio Milone separatim editus.

Freiberg, Gerlach, 1845.

14 p. 28½ cm.

Ed. by K. H. Frotscher.

At head of title: Zweiter jahresbericht des
Königl. gymnasiums zu Freiberg ...

No. 21 of volume of pamphlets.

Re

TECHNICAL MICROFORM DATA

FILM SIZE: 35

REDUCTION RATIO: 11 1/2x

IMAGE PLACEMENT: IA IIA IB IIB

DATE FILMED: 2-10-43

INITIALS Susan



FILMED BY: RESEARCH PUBLICATIONS, INC WOODBRIDGE, CT




AIIM

Association for Information and Image Management


1100 Wayne Avenue, Suite 1100
Silver Spring, Maryland 20910
301/587-8202




Centimeter



Inches



MANUFACTURED TO AIIM STANDARDS
BY APPLIED IMAGE, INC.



87C N4
1126

No. 21

Zweiter Jahresbericht
des
**KÖNIGL. GYMNASIUMS
ZU FREIBERG**
auf das Schuljahr 1844–1845.

Als
Einladungsschrift

zu dem
zum Andenken edler Wohlthäter der Anstalt

Freit. d. 18. April Vorm. 9 Uhr

Statt findenden

R e d e a c t u s

von

dem Rector

Karl Heinrich Frotscher.

Dr. u. Prof. d. Philos., der Grossherzogl. latein. Gesellschaft zu Iena Ehrenmitgl.
u. vieler ander. gelehr. Gesellschaften Mitgl.

Voran steht:

Q. Asconius Pedianus in M. Tullii Ciceronis orationem pro
T. Annio Milone separatim editus.

Freiberg 1845.
Druck von F. C. Gerlach.

Q. ASCONIUS PEDIANUS

IN

M. TULLII CICERONIS

ORATIONEM

PRO

T. ANNIO MILONE

IN USUM TIRONUM SEPARATIM EDITUS

Hanc dixit Cn. Pompeio III. consule a. d. VI.*) Idus April.***) Quod iudicium cum ageretur, exercitum in foro et omnibus in templis, quae circum forum sunt, collocatum a Cn. Pompeio fuisse, non tantum ex oratione et annalibus, sed etiam ex libro apparet, qui Ciceronis nomine inscribitur *de optimo genere oratorum****)

ARGUMENTUM HOC EST.

§.2. T. Annius Milo et P. Plautius Hypsaenus et Q. Metellus Scipio consulatum petierunt non solum largitione palam profusa, sed etiam factionibus armatorum succincti.

Miloni et Clodio summae erant inimicitiae, quod et Milo Ciceronis*.) erat amicissimus in reducendoque eo enixe operam rei publicae dederat, et P. Clodius restituto Ciceroni erat infestissimus ideoque summe studebat Hypsaeno et Scipioni contra Milonem. Ac saepe inter se Milo et Clodius cum suis factionibus Romae depugnaverant, et erant uterque audacia pares; sed Milo pro melioribus partibus stabat. Praeterea in eundem annum consulatum Milo, Clodius praeturam petebat, quam debilem futuram

*) III. Manutius in Ed. postr. Cf. infra §. 29.

**) A. a. u. c. 702.

***) IV. §. 10.

,) Baierus edidit *Ciceroni*. Non opus esse dativum puto, ne propter seqq. quidem.

§.3. consule Milone intelligebat. Deinde cum diu tracta essent*) comitia consularia, perficique ob eas ipsas perditas candidatorum contentiones non possent, et ob id mense Ianuario nullidum neque consules neque praetores essent, trahereturque dies eodem quo antea modo; cum Milo quam primum comitia confici vellet, conficereturque cum bonorum studiis, quod obsistebat Clodio, favente**) etiam populo propter effusas largitiones impensasque***) ludorum scenicorum ac gladiatorii muneris maximas, in quas tria praedia effudisse eum Cicero significat,**) competitores eius trahere vellent, ideoque Pompeius gener Scipionis et T. Munatius tribunus plebis referri ad senatum de patriciis convocandis, qui interregem proderent, non essent passi, cum interregem proderere moris esset: a. d. XIII. Kal. Febr. (acta etenim magis sequenda et ipsam orationem, quae actis congruit, puto quam Fenestellam, qui a. d. XIII. Kal. Febr. tradit) Milo Lanuvium, ex quo erat municipio et ibi tum dictator, profectus est ad flaminem

§.4. prodendum†) postera die. Occurrit ei circa horam nonam††) Clodius paulo ultra Bovillas, rediens ab Aricia, prope eum locum, in quo Bonae Deae sacellum est. Erat autem allocutus decuriones Aricinorum. Vehebatur Clodius equo. Servi XXX fere expediti, ut illo tempore mos erat iter facientibus, gladiis cincti sequebantur. Erant cum Clodio praeterea tres comites eius, ex quibus eques Romanus unus, C. Cassinius Schola, duo de plebe novi homines, P. Pomponius, C. Clodius.†††) Milo rheda vehebatur cum uxore Fausta, filia L. Sullae dictatoris, et M. Fufo familiare suo. Sequebatur eos magnum servorum agmen, inter quos gladiatores quoque erant, ex quibus duo noti, Eudamus et Birria. Ii in ultimo agmine tardius euntes cum servis P. Clodii rixam commiserunt. Ad quem tumultum cum respexisset Clodius minitabundus, humerum eius Birria rhomphaea traiecit. Inde cum orta esset pugna, plures Miloniani accurrerunt. Clodius vulneratus in tabernam proximam in*†*) Bovillano delatus est.

*) Vide Cic. ipsum cap.9. Appian. B. C. II. 20. Pompeium narrat remoratum esse comitia.

**) Sic Baierus. Ed. princeps tamen.

***), „Legebatur impensas quoque. Particulam quoque permutavimus cum ea, quae huic loco aptior videbatur. Utramque a librariis saepissime esse confusam satis notum est.“ BAITER.

.) Vid. Cic. cap. 35. §. 95, ex quo loco patrimonialia pro praediis substituerunt plerique editores Asconii. Verumtamen ferri apud Asconium posse alterum verbum, quod est in Ed. princ. (predia), item in Berald. et Lugdun. (1554.), equidem cum Baieris existimo. In iis quae statim sequuntur Hotoman. et Cren. habent competitores vero. Malim cum Baieris at competitores, repetita antecedentis verbi postrema syllaba.

†) Vid. Cic. cap. 10. pr. Aliam causam itineris profert Appian. B. C. II. 20. βαρυθυμῶν ὁ Μίλων (propter tracta comitia) ὡς καὶ περὶ αὐτὸν ἀπίστον γιγνομένου τοῦ Πομπηίου, ἐς τὴν πατρίδα Λαυρεντίον ἐξῆλθε. Ceterum vere Hotomanus: „Municipiorum magistratus interdum duo erant, ac tum duumviri, interdum unus, ac tum ille interdum praetor, interdum dictator dicebatur.“

††) Apud Cic. cap. 10. §. 29. est hora fere undecima aut non multo secus. ubi cf. Klotz.

†††) Vid. Cic. cap. 17. extr. Mox familiare dedi cum Ed. princ. Berald. Bait. pro vulg. familiari.

†) Praepositionem, quae deerat, reponendam esse viderunt Madvigius et Baierus. Inapte enim tabernam dici propinquam (agro) Bovillano, et vero facile intelligi erroris in his verbis originem.

§.6. Milo ut cognovit vulneratum Clodium, cum sibi periculosius illud etiam vivo eo futurum intelligeret, occiso autem magnum solatium esset habiturus, etiam si subeunda esset poena, exturbari taberna*) iussit. Fuit antesignanus servorum eius M. Fustenus.***) Cadaver eius in ita Clodius latens extractus est multisque vulneribus confectus.***). Cadaver eius in via relictum, quia servi Clodii aut occisi erant aut graviter saucii latebant, Sex. Tedi-
us senator, qui forte ex rure in urbem revertebatur, sustulit et lectica sua Romam

§.7. ferri iussit; ipse rursus eodem, unde erat egressus, se recepit.*.†) Perlatum est corpus Clodii ante primam noctis horam, infimaeque plebis et servorum maxima multitudo magno luctu corpus in atrio domus positum circumstetit. Angebat autem facti inviam uxor Clodii Fulvia, quae cum effusa lamentatione vulnera eius ostendebat. Maior postera die luce prima multitudo eiusdem generis confluit, compluresque noti homines elisi sunt; inter quos C. Vibienus senator.†) Erat domus Clodii, ante paucos menses empta de M. Scauro, in Palatio. Eodem T. Munatius Plancus, frater L. Planci oratoris, et Q. Pompeius Rufus, Sullae dictatoris ex filia nepos, tribuni pl. accucurrerunt: eisque adstantibus††) vulgus imperitum corpus nudum caldatum,†††) sicut in lecto erat positum, ut vulnera videri possent, in forum detulit et in Rostris posuit.

§.8. Ibi pro concione Plancus et Pompeius, qui competitoribus Milonis studebant, invidiam

In Scholiis Bobiens. pag. Orell. 275. dicitur Clodius metu peragitatus ad Bovillas in cauponam quandam fugiens concessisse.

*) Sic scripsi cum Baieris ex verissima emendatione Madvigii. Legebatur tabernam: „quasi taberna latitans eiicienda fuerit.“

**) „Hic in huius orationis extremo commentario M. Sauscius appellatur, et potest etiam esse M. Fusius, de quo paulo ante [§.4. extr.]“ MANUTIUS. — Illic haec leguntur: M. Sauscius M. F., qui dux fuerat in expugnanda taberna Bovillis et Clodio occidendo.

***), „Dio Cass. XL. 48. ὁ γοῦν Μίλων τὸν Κλώδιον ἐν τῇ Ἀππίας ὁδῷ συντυχόντα αἰ τὸ μὲν πρῶτον ἀπλῶς πως ἔτρωσεν, ἔπειτα δὲ φοβηθεὶς μὴ ἐπεξέλθῃ τῷ γεγονότι, κατέσφαξεν, ἐλπίσας, ἐπειδὴ πάντας τοὺς οἰκτίας τοὺς τοῦτο ποιήσαντας ἐλευθερώσαι, ὅσον τοῦ γόνου, τελευτήσαντος αὐτοῦ, ἢ τοῦ τραύματος, εἰ περιγίγνοιτο, ἀφεθήσεσθαι. Appian. B. C. II. 21. Θεράπων τοῦ Μίλωνος ἐπιδραμὼν τῷ Κλώδιῳ, εἴτε κεκελευμένος εἴθ' ὡς ἐχθρὸν δεσπότην κτείνων, ἐπάταξεν ἐς τὸ μετάφρενον ξιφιδίῳ καὶ τὸν μὲν αἵματι χεόμενον ἐς τὸ πλησίον πανδοχείον ὁ ἱπποκόμος ἐσέφερεν. ὁ δὲ Μίλων μετὰ τῶν θεραπόντων ἐπιστὰς ἐτι ἔμπουν ἢ καὶ νεκρὸν ἐπανέειλεν, ὑποκρινόμενος μὲν οὐ βουλεύσει τὸν φόνον οὐδὲ προστάξει ὡς δὲ κινδυνεύσων ἐξάπαντος, ἤξιον τὸ ἔργον οὐκ ἀτελὲς καταλιπεῖν. Non casu autem pugnam factam esse monstrat Cicero ad Att. IV. 4. [immo IV. 3.] Si se inter viam Clodius obtulerit, occisum iri ab ipso Milone video. Non dubitat facere, prae se fert, casum illum nostrum (exsilii) non extimescit.“ MATTHIAE.

*.†) Sic Baier. cum Madvigio. Ed. princ. unde erat regressum recepit.

†) Vid. Cic. cap. 14. §. 37.

††) Sic scripsi cum Baieris. Hotoman. et Cren. hortantibus; obstantibus antiquiores.

†††) Sic corrupte Ed. princ. Berald. Ald. Lodoic. Manut.; calcatum, quod probavit Manutius quoque, Lugdun. Hotoman. Cren. item Matth. (calceatum); ac sauciatum Martyni-Laguna (ad Cic. Epp. II. 6.) quem sequutus est Schuetz. it. Teubner.; Baierus malit calcatum i. e. foede tractatum necdum lavatum et unctum, sed adhuc cruentum sordibusque obrutum, oblitum cruore et luto, ut ait Cicero §. 86. Mihi quidem copulam desideranti magis placet ac lutatum.

Miloni fecerunt. Populus duce Sex. Clodio scriba corpus P. Clodii in curiam intulit,*) cremavitque subselliis et tribunalibus et mensis et codicibus librariis. Quo igne et ipsa quoque curia flagravisset, et item Porcia basilica, quae erat ei iuncta, ambusta est. Domus quoque M. Lepidi interregis (is enim magistratus curulis erat creatus) et absentis Milonis eadem illa Clodiana multitudo oppugnavit, deinde sagittis repulsa est. Tum fasces ex lecto Libitinae raptos attulit ad domum Scipionis et Hypsaei, deinde ad hortos Cn. Pompeii, clamitans eum modo consulem modo dictatorem.

§.9. Incendium curiae maiorem aliquanto indignationem civitatis moverat quam interfectio Clodii. Itaque Milo, quem opinio fuerat ivisse in voluntarium exilium, invidia adversariorum recreatus nocte ea redierat Romam,**) qua incensa erat curia, petebatque nihilo deterius***) consulatum; aperte quoque tributum in singulos millia assium dederat.**) Concionem ei post aliquot dies dedit M. Caelius†) tribunus pl., atque ipse etiam causam egit ad populum. Dicebant uterque,††) Miloni a Clodio factas esse insidias.

*) „εἴτε ἐπὶ τιμῇ, βουλευτικοῦ γένους ὄντα, εἴτε εἰς ὕναιδος τῆς βουλῆς τοιάδε περιουώσης. Propter curiam incensam Plancus postea in exilium eiectus est. vid. Phil. VI. 4. XIII. 12.“ MATTH.

**) „Dio Cass. XL. 49. latitasse eum primo, οὐχ ὑπὸ ἰδιωτῶν μόνον, ἀλλὰ καὶ ἱππέων βουλευτῶν τε τινῶν φρουρούμενον· ἐπεὶ δὲ τοῦτο τε (incendium curiae) ἐγένετο καὶ τὴν ὁργὴν τῆς γε- ρουσίας ἐς τὸ τῶν ἀντιστασιωτῶν μίσμα περιχωρήσειν ἤλπισε — — προῆει τε ἐς μέσον καὶ τῆς ἀρχῆς ὁμοίως ἢ καὶ μᾶλλον ἀντεποιεῖτο.“ MATTH.

***) Ed. princ. Berald. Milo deterius. Dio Cassius, quem laudat Baiterus, XL. 49. de eadem re: τῆς ἀρχῆς ὁμοίως ἢ καὶ μᾶλλον ἀντεποιεῖτο. Madvigius tamen legendum arbitrat *nihil deterritus*, sine idonea causa.

*) „Lectio mendosa videtur. Malim: *tributum singula millia assium*, sic ut de eadem re infra [§. 12. extr.] legitur: *populoque tributum singula millia aeris — dedisse*.“ BAITER.

†) „Appian. de bell. civ. II. 22. Μίλωνι δὲ θράσος τοσόνδε περιῆν, ὥς οὐ δεδιέναι περὶ τῷ φόβῳ μᾶλλον ἢ ἀγανακτεῖν ἐπὶ τῇ Κλωδίου περὶ τὴν ταφὴν τιμῇ. Θεραπεύοντων οὖν καὶ ἀνδρῶν ἀγροίκων πλῆθος ἀθροίσας καὶ ἐς τὸν δῆμον περιπέμψας χρήματα τῶν τε δημάρχων Μάρκον Καίλιον πριμεινός, ἐς τὴν πόλιν κατέειθρε θρασυτάτα. καὶ αὐτὸν ὁ Καίλιος εὐθὺς ἐσιόντα εἶλκεν ἐς τὴν ἀγορὰν ἐπὶ τοῖς παρ' αὐτοῦ δεδωροδοκηκότας, ὥσπερ ἐπ' ἐκκλησίαν, ὑποζυγνόμενος μὲν ἀγανα- κτεῖν καὶ οὐ διδόναι τῆς δίκης ἀναβολὴν, ἐλπίζων δὲ, εἰ αὐτὸν οἱ παρόντες μεθεῖεν, ἐκλύσειν τὴν δίκην τὴν ἀληθεστέραν. Καὶ Μίλων μὲν οὐ βουλευσάμενος τὸ ἔργον εἰπὼν (οὐ γὰρ ἂν μετὰ σκευῆς καὶ γυναικὸς ἐπὶ ταῦτα ὁρμήσαι) τὸν λοιπὸν λόγον κατὰ τοῦ Κλωδίου διετίθετο, ὥς θρασυτάτου δὴ καὶ φίλου θρασυτάτου, οὗ καὶ τὸ βουλευτήριον ἐπικατέπερσεν αὐτῷ. Ἐπὶ δ' αὐτοῦ λέγοντος οἱ τε λοιποὶ δημαρχοὶ καὶ τοῦ δήμου τὸ ἀδιάφορον ἐνέβαλλον ἐς τὴν ἀγορὰν κ.τ.λ. Vid. or. c. XXXIII. 91. ubi Garaton. in Appianum graviter invehitur, quod ἀδιάφορον vocaverit Clodianam illam servorum, latronum, egentium multitudinem notissimam. — De caedibus consecutis et Appian. et Dio Cass. XL. 50. commemorant.“ MATTH.

††) In Ed. princ. leguntur haec: *acc. ipse etiam causam etiam ad populum dicebant. Uterque — Ea sic sanavit Madvigius: atque ipse etiam causam egit ad populum. Dicebat uterque cet.* Hanc ego viri acutissimi emendationem ita probavi cum Baitero, ut tamen pluralem dicebant, in quo antiquissimae Edd. consentiunt, retinendum putarem. Cf. supra §. 2.

§.10. Fiebant interea alii ex aliis interreges, qui comitia consularia propter eorum candidatorum tumultus et eandem manum armatam habere non poterant. Itaque primo factum erat S. C., ut interrex*) et tribuni plebis et Cn. Pompeius, qui pro consule ad urbem erat, viderent, ne quid detrimenti res publica caperet, delectus**) autem Pompeius tota Italia haberet. Qui cum summa celeritate praesidium comparasset, postulaverunt apud eum familiam Milonis, item Faustae uxoris eius, exhibendam duo adolescentuli, qui Appii Claudii ambo appellabantur, qui erant C. Claudii filii,***) qui frater fuerat Clodii, et ob id illi patri sui mortem, velut auctore fratre, persequabantur. Eisdem Faustae et Milonis familias postulaverunt duo Valerii, Nepos et Leo, et L. Herennius Balbus. P. Clodii quoque familiam et comitum eius postulavit eodem tempore

§.11. Caelius; familiam Hypsaei et Q. Pompeii postulavit..... Adfuerunt Miloni Q. Hortensius, M. Cicero, M. Marcellus, M. Calidius, M. Cato, Faustus Sulla. Verba pauca Q. Hortensius dixit: *liberos**,*) esse eos, qui pro servis postularentur: nam post recentem

§.12. caedem manumiserat eos Milo sub hoc titulo, quod caput suum uli essent. Haec agebantur mense intercalari. Post diem trigesimum fere quam erat Clodius occisus, Q. Metellus Scipio†) in senatu contra M. Caepionem conquestus est, ac de caede P. Clodii falsum esse dixit, quod Milo sic se defenderet, et Clodium Aricinos decuriones alloquendi gratia abisse, profectum cum sex ac viginti servis; Milonem subito post horam quartam senatu misso cum servis amplius trecentis armatis obviam ei contemdisse, et supra Bovillas inopinantem in itinere aggressum; ibi P. Clodium tribus vulneribus acceptis Bovillas perlatum; tabernam, in quam profugerat, expugnatam a Milone; semianimum Clodium extractum...††) in via Appia occisum esse, anulumque eius ei morienti extractum; deinde Milonem, cum sciret in Albano parvulum filium Clodii,†††)

*) „Idem narrat Dio Cass. XL. pag. 143. E.“ MATTH.

**) Baiter. cum sola Ed. princ. *dilectus*. Cf. Zumpt. ad Cic. divin. in Caecil. cap. 4. §. 15. Kritz. ad Sallust. Catil. cap. 36. §. 3.

***) Hanc vocem omisit Ed. princ.

*) Sic Baiter. praeaeuntibus Berald. Lodoic.; *dixitque liberos* Ed. princ.; *dixit, quae sunt, liberos* Ald. Lugd. Hotom. Manut. Cren. al. Mihi vero non est dubium, quin ex vestigiis Ed. princ. sic scribendum atque interpungendum sit: *Verba pauca Q. Hortensius: dixitque liberos esse eos cet.* quae mihi oratio videtur huic loco cumprimis accommodata. Cic. ad Att. I. 18. §. 6. *Crassus verbum nullum contra gratiam*. Cf. ad Fam. V. 21. §. 2. extr. Brut. 92. §. 318.

†) „Dicit Q. Metellum, quem, quum esset ex gente Cornelia, Q. Caecilius Metellus Pius adoptavit.“ HOTOMAN. — Pro seq. *Caepionem* legendum videtur *Ciceronem*.

††) „Lacuna non nisi in Ed. princ. est indicata; magni tamen momenti vix fuit si quid excidit. Possis supplere *e taberna vel in publicum* ex §. 28.“ BAITER.

†††) Quum in Edd. haec male iungerentur, *cum sciret in Albano parv. filium Clodii venisse ad villam*, Baiterus esse infinitivum et minorem distinctionem addidit post nomen *Clodii*. Mihi ut comma necessarium, ita infinitivi illius omissio posse defendi videtur. Sic nos in familiari sermone: *ich wusste ihn auf seinem Landgute*. Quod quamquam nec plane simile ei est, quod h. l. Asconium dixisse puto, nec locus alius mihi quidem cognitus, ubi sic simpliciter dicatur, *sciebam illum domi*

venisse ad villam, et cum puer ante subtractus esset, ex servo*) Halicore quaestionem ita habuisse, ut eum articulatum consecaret;**) villicum et praeterea duos servos iugulasse; ex servis Clodii, qui dominum defenderint, undecim esse interfectos; Miloni duos solos saucios factos esse: ob quae Milonem postero die duodecim servos, qui maxime operam navassent, manumisisse, populoque tributum singula millia

§. 13. aeris ad defendendos de se rumores dedisse. Milo misisse ad Cn. Pompeium dicebatur, quod Hypsaero summe studebat, quod***) fuerat eius quaestor, desistere se petitione consulatus, si ita ei videretur; Pompeium respondisse, nemini se neque petendi neque desistendi auctorem esse, neque populi Romani potestatem aut consilium aut sententiam interpellaturum. Deinde per*) C. Lucilium, qui propter M. Ciceronis familiaritatem amicus erat Miloni, egisse quoque dicebatur, ne se de hac re consulendo invidia oneraret.

§. 14. Inter haec cum crebresceret†) rumor, Cn. Pompeium creari dictatorem oportere, neque aliter mala civitatis sedari posse, visum est optimatibus tutius esse, eum consulem sine collega creari, et cum tractata ea res esset in senatu, facto in M. Bibuli sententiam S. C. Pompeius ab interrege Ser. Sulpicio V. Kalend. Mart. mense intercalario consul

§. 15. creatus est, statimque consulatum iniit.††) Deinde post diem tertium de legibus novis

(in villa sua, in urbe): non temere tamen mihi videor provocare ad eiusmodi locos, qualis est hic Ciceronis ad Att. V. 18. pr. Bibulus nondum audiebatur esse in Syria. Cassius in oppido Antiochiae cum omni exercitu. Nos in Cappadocia ad Taurum cum exercitu ad Cybistra. Hostis in Cyrrhastica, quae Syriae pars proxima est provinciae meae. Nec minus huc facere videtur, quod idem Laodiceae quum esset scripsit Appio Pulchro, cui censuram delatum iri augurabatur (ad Fam. III. 10. extr.): Te, ut spero, propediem censorem audiemus. ubi siye factum esse sive simplex esse suppleas, non minor aut magis ferenda quam apud Asconium ellipsis est.

*) Sic Baiter. cum Ed. princ. Berald. Lodoic.; de servo Lugd. Hotom. Manut. Cren. al. Cf. Liv. XXXIII. 28. §. 6. In praesentia placuit comprehendere eos, qui simul fuissent, quaestionemque ex his haberi.

**) Ed. princ. Berald. Ald. Lodoic. consecarent, quod fortasse ferri posse ait Baiterus, si suppleas tortores. Graevii cod. conserrarent.

***) Baiter. malit qui. Utrumque autem quod, et hic et paulo ante, in Ed. princ. per compendium scriptum esse.

*) Abest per ab Ed. princ. Berald. Ald. Lodoic.

†) Sic Ed. princ. cum Graevii cod. Idemque vulgatae scripturae (crebresceret) anteposit Orellius, quem vide ad Cic. Orator. §. 23. pag. Ed. minor. 20. sq. et pag. 446. de opt. gen. orator. §. 11. Cf. Weberi Uebungsschule f. d. lat. Stil pag. Ed. 2. 122, §. item Wuestemann. ad Horat. Satir. II. 5. 93. et Zumpt. ad Cic. divin. in Caecil. §. 12. pag. 12. — In eis quae sequuntur nihil verius est quam quod ex Madvigii emendatione scripsit Baiterus, dictatorem oportere, neque aliter; Ed. princ. dictatorem neque oportere aliter; Berald. dictatorem neque aliter; ceteri dictatorem neque opportune aliter.

††) „Eadem narrat Dio Cass. XL. 50. Quod hic et Ascon. Bibulo, Appian. I. c. 23. tribuit Catoni, turpiter in eo errans, quod tunc Catonem a Pompeio missum esse narrat, ut Cyprum in provinciam redigeret. Secundum Plutarch. vit. Pomp. c. 54. sententiam a Bibulo propositam suasit Cato.“ MATTH.

ferendis retulit; duas ex S. C. promulgavit, alteram de vi, qua nominatim caedem in Appia via factam et incendium curiae et domum M. Lepidi interregis oppugnatam comprehendit, alteram de ambitu; poenam graviolem et formam iudiciorum breviorlem: utraque enim lex prius testes dari per triduum,*) deinde uno die atque eodem et ab accusatore et ab reo

§. 16. perorari iubebat, ita ut duae horae accusatori, tres reo darentur. His legibus obsistere M. Caelius tribunus pl., studiosissimus Milonis, conatus est, quod et privilegium diceret in Milonem ferri et iudicia praecipitari: et cum pertinacius legem Caelius vituperaret, eo processit irae Pompeius, ut diceret, si coactus esset, armis se rem publicam defensurum. Timebat autem Pompeius Milonem,**) seu timere se simulabat; plerumque***) non domi suae, sed in hortis manebat, idque ipsum in superioribus, circa quos etiam magna manus militum†) excubabat. Senatum quoque semel repetundus erat††) Pompeius, quod diceret timere se adventum Milonis. Dein proximo senatu P. Cornificius†††)

*) Sic Baiter. cum Hotom. Manut. Cren. ex §. 26. additis quae deerant verbis per triduum. Idem malit audiri, quod verbum etsi §. citata de testibus legitur (cf. §. 28. pr.), ego tamen ut etiam h. l. necessarium credam, ne adiectis quidem verbis per triduum adduci possum. Cf. Cic. in Verr. act. I. cap. 18. §. 55. Liv. XXV. 3. extr. Quintilian. V. 7. 9. et 13. 3.

**) Asconius ad or. cap. 25. §. 67. narrat Pompeium ne domi quidem suae, sed in hortis superioribus ante iudicium mansisse, ita ut villam quoque praesidio militum circumdaret. Q. Pompeius Rufus tribunus plebis, qui fuerat familiarissimus omnium P. Clodio et sectam suam sequi se palam profitebatur, dixerat in concione post paucis diebus quam Clodius erat occisus: Milo dedit quem in curia cremaretis: dabo quem in Capitolio sepeliatis. In eadem concione idem dixerat, (habuit enim eam a. d. VIII. Kal. Febr.) cum Milo pridie venire ad Pompeium in hortos eius voluisset, Pompeium ei per hominem propinquum misisse nuncium, ne ad se veniret. Prius etiam quam Pompeius III. consul crearetur, tres tribuni, Q. Pompeius [Rufus], C. Sallustius Crispus, T. Munatius Plancus, cum cotidianis concionibus suis magnam invidiam Miloni propter Clodium excitarent, produxerant ad populum Cn. Pompeium, et ab eo quaesierant, num ad eum delatum esset illud quoque indicium, suae vitae insidiari Milonem. Responderat Pompeius: Licinium quendam de plebe, sacrificulum, qui solitus esset familias purgare, ad se detulisse, servos quosdam Milonis itemque liberos comparatos esse ad caedem suam, nomina quoque servorum edidisse; se ad Milonem misisse, ut eos in potestate sua haberet; a Milone responsum esse, ex iis servis, quos nominasset, partim neminem se unquam habuisse, partim manumisisse; dein, cum Licinium apud se haberet, Lucium quendam de plebe ad corrumpendum indicem venisse; qua re cognita in vincula cum publica coniectum. — Ob has suspensiones Pompeius in superioribus hortis se continuerat; deinde, ex senatus consulto delectu per Italiam habito cum redisset, venientem ad se Milonem unum omnium non admiserat. (Cf. Cic. §. 63.) Item cum senatus in porticu Pompeii haberetur, ut Pompeius posset interesse, unum tum excuti prius quam in senatum intraret, iusserat.

***) Lodoic. plerumque enim. Baiter. malit et plerumque, quod sane magis placet, si modo quidquam addi h. l. necesse est.

†) Ed. princ. Berald. Ald. magnanimus multum. „Ego, magna manus militum excubabat; cum infra [ad Cic. orat. §. 67.] ita scriptum viderem, Pompeium in hortis superioribus ante iudicium mansisse, ita ut villam quoque praesidio militum circumdaret.“ MANUT.

††) Loci corrupti Baiterus proposuit hanc emendationem admodum verisimilem: repente dimiserat. Hotomanus ex iis quae extremo commentario [ad §. 67.] dicuntur [cum senatus in porticu Pompeii haberetur] reposuerat: in porticu suo habuerat: quod a Crenio correctum (in port. sua hab.) posteriores editores amplexati sunt.

†††) Vid. Cic. cap. XXIV. §. 66. extr.

ferrum Milonem intra tunicam habere ad femur alligatum dixerat. Postulaverat, ut femur nudaret.*) Et ille sine mora tunicam levari. Tum M. Cicero exclamaverat, omnia illi similia crimina esse, quae in Milonem dicerentur alia.

- §. 18. Deinde Munatius Plancus tribunus pl. produxerat in concionem M. Aemilium Philemonem, notum hominem, libertum M. Lepidi. Is se dicebat pariterque secum quattuor liberos homines iter facientes supervenisse, cum Clodius occideretur, et ob id cum proclamassent, abreptos et perductos, per duos menses in villa Milonis praeclusos fuisse;**) §. 19. eaque res, seu vera seu falsa, magnam invidiam Miloni contraxerat. Idemque Munatius et Pompeius tribuni pl. in Rostra produxerant triumvirum capitalem, eumque interrogaverant, an Galatam Milonis servum caedes facientem deprehendisset. Ille dormientem in taberna pro fugitivo deprehensum et ad se productum***) esse responderat. Denunciaverant tamen triumviro, ne servum remitteret. Sed postera die Caelius tribunus pl. et Q. Manilius Cumanus*.) collega eius ereptum e domo triumviri servum Miloni reddiderunt. Haec, etsi nullam†) de his criminibus mentionem fecit Cicero, tamen, quia ita §. 20. compereram, putavi exponenda. Inter primos et Q. Pompeius et C. Sallustius et T. Munatius Plancus tribuni pl. inimicissimas conciones de Milone habebant, invidiam etiam de Cicerone,††) quod Milonem tanto studio defenderet; eratque maxima pars multitudinis infensa non solum Miloni, sed etiam propter invisum patrocinium Ciceroni. §. 21. Postea Pompeius et Sallustius in suspitione fuerunt in gratiam redisse†††) cum Milone ac Cicerone. Plancus autem infestissime perstitit, atque in Ciceronem quoque multitudinem instigavit; Pompeio autem suspectum faciebat Milonem, ad perniciem eius comparari vim vociferatus; Pompeiusque ob ea saepius querebatur, fieri sibi quoque insidias, et id palam, ac maiore manu se armabat. Dicturum quoque diem Ciceroni Plan-

*) Ed. princ. Berald. Ald. Lodoic. videret.

**) Sic scripsi et distinxī, sequutus maxime principis Ed. et Ald. vestigia: *et productos per duos menses in villam Milonis praeclusos fuisse. Berald. Lodoic. et perductos per duos menses in villam Milonis et praeclusos fuisse. Lugd. Manut. et per duos menses in villam Milonis praeclusos fuisse. Hotom. Cren. et perductos in villam Milonis ibique per duos menses praeclusos fuisse. Baiterus: et productos (perductos malit Orell.) in villam Milonis per duos menses praeclusos fuisse.*

***) Sic Baiter. cum Ed. princ.; *perductum* ceteri.

*.) Sic Baiter. cum Graevii codice; *et Manilius Cumanus* Ed. princ. Berald. Lodoic.; *et Manil. Canianus* Lugd. Hotom. Manut. Cren.; *et Manil. Caninianus* Pighius Ann. III. 314.

†) Sic Baiter. cum Lodoic.; *haec et nullam* Ed. princ.; *hic etsi nullam* Graevii cod.

††) Hotom. Cren. auctore Manutio: *invidiosas etiam de Cic. Baiter. legendum suspicatur: invidiam etiam fecerunt Ciceroni. Mox Graevius e codice suo qui Milonem.*

†††) „Rarius visum est loquendi genus, quo usus est Lentulus (in Cic. Epp. ad Fam. XII. 15. post med.) *magistratus veniebant in suspitionem detinuisse nos et demorati esse*; quamquam infinitum tuetur Ciceronis locus (in Verr. IV. 13, 30.) *quum in suspitionem venissent suis civibus fanum cepilasse Apollinis*, nominativum ratio locutionis; est enim *credor*. Sed eodem modo Asconius in argum. Mil. *Pompeius et Sallustius in suspitione fuerunt in gratiam redisse cum Milone*. Adde Sueton. Iul. 9. Tiber. 12.“ MADVIG.

- §. 22. cus ostendebat; postea autem Q. Pompeius idem meditatus*) erat. Tanta tamen constantia ac fides fuit Ciceronis, ut non populi a se alienatione, non Cn. Pompeii suspicionibus, non periculi futuri metu, si dies**) ad populum diceretur, non armis, quae palam in Milonem sumpta erant, deterreri potuerit a defensione eius, cum posset omne periculum suum et offensionem inimicae multitudinis declinare, redimere autem Cn. Pompeii animum, si paullum ex studio defensionis remisisset. §. 23. Perlata deinde lege Pompeii, in qua id quoque scriptum erat, ut quaestor***) suffragio populi ex iis qui consules fuerant crearetur, statim comitia habuit, creatusque erat L. Domitius Aenobarbus quaestor. Aliorum quoque iudicum, qui de ea re iudicarent, Pompeius tales proposuit, ut nunquam neque clariores viros neque sanctiores propositos esse constaret. Post quod statim nova lege Milo postulatus est*.) a duobus Ap- §. 24. piis Clodiis adolescentibus, iisdem, a quibus antea familia eius fuerat postulata, itemque de ambitu ab iisdem Ap- piis, et praeterea a C. Cetheio†) et L. Cornificio; de sodaliciis a P. Fulvio Nerato. Postulatus autem erat et de sodaliciis et de ambitu ea spe, quod primum iudicium de vi futurum apparebat, quo eum damnatum iri confidebant nec §. 25. postea responsurum. Divinatio de ambitu accusatorum facta est quaestore A. Torquato, atque ambo quaestores, Torquatus et Domitius, pridie Nonas April. reum adesse iusserunt. Quo die Milo ad Domitii tribunal venit, ad Torquati amicos misit; ibi, postulante pro eo M. Marcello, obtinuit, ne prius causam de ambitu diceret quam de vi iudicium erat perfectum.††) Apud Domitium autem quaestorem maior Appius postulavit a Milone exhiberi servos numero IV et L, et cum ille negaret eos qui nominabantur in sua potestate esse, Domitius ex sententia iudicum pronunciavit, ut ex servorum eorum numero accusator quot vellet ederet. Citati deinde testes secundum legem, §. 26. quae, ut supra diximus, iubeat, ut prius quam causa ageretur, testes per triduum audirentur, dicta eorum iudices confirmarent,†††) quarta die adesse omnes in diem posterum

*) Sic Baiter. cum Ed. princ. Berald. Ald. Lodoic.; *meditatus* ceteri.

**) Sic Baiter. cum Ed. princ. Berald. Ald. Lodoic.; *si sibi dies* ceteri. Mox idem cum Ed. princ. et Berald. *redimere autem*, pro quo apud Ald. et seqq. legitur *redimere etiam*.

***) „quaestor Princ. Berald. Lod. — *quaesitor* ceteri. Sed vide Gesnerum in thesauro s. v. *quaesitor*. cfr. Corte ad Salust. Iug. c. 40.“ BAITER. — Paulo post idem Bait. *quaestor* cum Ed. princ. et Berald., eisdemque cum Baitero obsequi sumus §. 25.

*.) Quod deerat est addendum esse vidit Madvigius.

†) C. Cetheio Ed. princ. Berald. Ald. Lodoic.; Q. Petulcio Hotoman. Cren. al. ex correctione Hotomani (*Patulcio*), quod apud Ascon. ad §. 95. orat. Milon. L. Cornificius et Q. Patulcius de vi accusavisse Milonem dicuntur. Quare etiam h. l. ipsum illud *de vi* post voc. *praeterea* addiderunt Lugdun. Hotoman. Manut. Cren. et seqq.

††) Sic Baiterus cum Ed. princ. in qua tamen est *profectum*; ceteri *esset perfectum*.

†††) Sic scripsi cum Ed. princ. Berald. Ald. Lodoic. Bait.; *consignarent* ceteri, quum apud Ascon. ad §. 71. or. Milon. *obsignata* fuisse testium verba dicantur. De ut partic. post *iubeat* posita cf. Zumpt. Gr. Lat. §. 617.

iuberentur, ac coram accusatore ac reo pilae, in quibus nomina iudicum inscripta essent, aequarentur; dein rursus postera die sortitio iudicum fieret, unius et LXXX: qui numerus cum sorte obtigisset, ipsi protinus sessum irent; tum ad dicendum accusator duas horas, reus tres haberet, reusque eodem die illo indicaretur; prius autem quam sententiae ferrentur, quinos ex singulis ordinibus accusator, totidem reus reiceret, ita ut numerus iudicum relinqueretur, qui sententias ferrent, quinquaginta et unus.

- §. 27. Primo die datus erat in Milonem testis Cassinius Schola, qui se cum P. Clodio fuisse, cum is occisus esset,*) dixit, atrocitatemque rei factae quam maxime potuit auxit. Quem cum interrogare M. Marcellus coepisset, tanto tumultu Clodianae multitudinis circumstantis exterritus est, ut vim ultimam timens in tribunal a Domitio recipere-tur. Quam ob causam Marcellus et ipse Milo a Domitio praesidium imploraverunt. Sedebat eo tempore Cn. Pompeius ad aerarium, perturbatusque erat eodem illo clamore;
- §. 28. itaque Domitio promisit, se postero die cum praesidio descensurum, idque fecit. Qua re territi Clodiani silentio verba testium per biduum audiri passi sunt. Interrogaverunt eos M. Cicero et M. Marcellus et Milo ipse. Multi ex iis, qui Bovillis habitabant, testi-monium dixerunt de iis, quae ibi facta erant: cauponem occisum, tabernam expugna-tam, corpus Clodii in publicum extractum esse. Virgines quoque Albanae**) dixerunt mulierem ignoratam venisse ad se, quae Milonis mandato votum solveret, quod Clodius occisus esset. Ultimae testimonium dixerunt Sempronia Tuditani filia, socrus P. Clodii, et uxor Fulvia, et fletu suo magno opere eos qui adstabant commoverunt. Dimisso circa horam decimam iudicio T. Munatius pro concione populum adhortatus est, ut postero die frequens adesset, et elabi Milonem non pateretur, iudiciumque et dolorem suum
- §. 29. ostenderet euntibus ad tabellam ferendam. Postero die, qui***) fuit a. d. III.†) Id. Aprilis, clausae fuerunt tota urbe tabernae; praesidia in foro et circa omnes fori aditus Pompeius disposuit; ipse pro aerario, ut pridie, consedit, septus delecta manu militum. Sortitio deinde iudicum a primo die††) facta est; post tantum silentium toto foro fuit,

*) Sic Bait. cum Ed. princ. Berald. Ald. Lodoic.; est Lugd. Hotom. Manut. Cren.

**) „Albanae de Orellii coni. cfr. Inscr. Lat. N. 2240. aliae Princ. Berald. Ald. Lod. Vestales Lugd. Hot. Man. Cren.“ BAITER. — Mox ignoratam pro vulg. ignotam Bait. dedit ex Ed. princ. et Hotoman.

***) Sic Baiter. cum Madvigio. Ed. princ. ostenderet. Euntibus ad tabellam ferendam postero die qui; ceteri, ostenderet. Euntibus ad tabellam ferendam postero die iudicibus, qui. — In iis quae sta-tim sequuntur (qui fuit) Hotom. et Cren. qui fuit iudicii primus: „mire profecto; nam quintus et extremus hic fuit iudicii dies, ut satis apparet ex ordine iudicii ab ipso Asconio supra de-scripto.“ MADVIG.

†) Aut hic a. d. VI. aut in principio argumenti a. d. III. scribendum esse ait Manutius, ut dies con-veniat. Utra nota corrupta sit, nobis non licet diiudicare.

††) Sic Ed. princ. Berald. Ald. Lodoic. Bait. a quaesitore Lugd. Manut. ut primo die Hotom. Cren. „a primo die, id est, ut Columella loquitur, primo mane coepta est fieri sortitio iudicum, ita ut intra secundam horam accusatores dicere inciperent; eodem modo dici primo die, prima nocte, primo anno (Colum. X. 190.) vix admonendum est.“ MADVIG.

quantum esse in aliquo foro posset. Tum intra horam secundam accusatores coeperunt dicere, Appius maior et M. Antonius et P. Valerius Nepos. Usi sunt ex lege horis duabus.

- §. 30. Respondit his unus M. Cicero: et cum quibusdam placuisset ita defendi crimen, interfici Clodium pro re publica fuisse, (quam formam M. Brutus secutus est in ea ora-tione, quam pro Milone composuit et edidit, quasi*) egisset:) Ciceroni id non placuit, quod non, qui**) bono publico damnari, idem etiam occidi indemnatus posset. Itaque cum insidias Milonem Clodio fecisse posuissent accusatores, quia falsum id erat, (nam forte illa rixa commissa fuerat,) Cicero apprehendit, et contra Clodium Miloni fecisse insidias disputavit, eoque tota oratio eius spectavit. Sed ita constitit, ut diximus, neu-trius consilio pugnatum esse eo die, verum ei***) forte occurrisse; ex ea rixa servo-rum tandem ad†) caedem perventum. Notum tamen erat, utrumque mortem alteri saepe minatum esse, et sicut suspectum Milonem maior quam Clodii familia faciebat, ita expe-ctatior et paratior ad pugnam Clodianorum quam Milonis fuerat. Cicero cum inciperet dicere, exceptus est acclamatione Clodianorum, qui se continere ne metu quidem cir-cumstantium militum potuerunt. Itaque non ea qua solitus erat constantia dixit.††) Manet autem illa quoque excepta eius oratio. Scripsit vero hanc, quam legimus, ita perfecte, ut iure prima haberi possit.†††)

*) Sic Baiterus; quamvis Ed. princ. quamvis non ceteri. „Dicendum erat: etiamsi non egerat: qui sensus inest nostrae lectioni.“ BAITER.

**) Quod deerat non addendum vidit Hotomanus, quem recentiores sequuti sunt.

***) Sc. Miloni Clodium. eos Lodoic. ei, quod omittunt Lugd. Hotom. Manut. Cren., ex Ed. princ. Berald. Ald. revocavit Baiterus.

†) tandem ad scripsi cum Baitero. ad eandem Ed. princ. Berald. ad eam ceteri.

††) „Dio Cass. XL. 54. militum conspectu perterritum Ciceronem narrat τῶν μὲν παρεσκευασμένων μηδὲν εἰπεῖν, βραχὺ δὲ τι καὶ τεθνηκὸς χαλεπῶς φερεῖσθαι ἀγαπητῶς μεταστῆναι. Cf. Plutarch. v. Cic. 35. Addit Dio Cass. l. c. ὁ Μίλων τῷ λόγῳ πεμφθέντι οἱ ἐπὶ αὐτοῦ ἐντυχὼν (ἐπεφυγέμενος γὰρ) ἀνταπέστειλε λέγων, ὅτι ἐν τύχῃ αὐτῷ ἐγένετο τὸ μὴ ταῦθ' οὕτω καὶ ἐν τῷ δικαστηρίῳ λεχθῆναι· οὐ γὰρ ἂν τοιαύτας ἐν τῇ Μασσαλίᾳ (ἐν ἣ κατὰ φύσιν ἦν) τρέφοντας [mullos] ἐσθίων, εἴπερ τι τοιοῦτον ἀπελελόγητο.“ MATTH.

†††) De exitu iudicii Asconius ad cap. XXXV. Peracta utrinque causa singuli quinos accusator et reus senatores, totidem equites et tribunos aerarios reiecerunt, ita ut unus et L sententias tulerint. (Cf. supra §. 26.) Senatores condemnaverunt XII, absolverunt VI. Equites condemnaverunt XIII, absolverunt IIII. Tribuni aerarii condemnaverunt XIII, absolverunt III. Videbantur non ignorasse iudices, inscio Milone initio vulneratum esse Clodium, sed compererant, post quam vulneratus esset, iussu Milonis occisum. Fuerunt qui crederent, M. Catonis sententia eum esse absolutum; nam et bene cum re publica actum esse morte P. Clodii non dissimulaverat, et studebat in petitione consulatus Miloni, et reo adfuerat. Nominaverat quoque cum Cicero praesentem et testatus erat au-disse a M. Favonio ante diem tertiam quam caedes facta erat, Clodium dixisse, peritulum esse eo triduo Milonem. (Vid. Cic. cap. 16. §. 44. cf. cap. 9. §. 26.) Sed Milonis quoque notam au-daciam removeri a re publica utile visum est: unde sciri unquam potuit utram sententiam tulisset?

Damnatum autem opera maxime Appii Claudii, pronunciatum est. — Milo in exilium Massiliam intra paucissimos dies profectus est. Bona eius propter alieni aeris magnitudinem semuncia venierunt. — Vell. Paterc. II. 47. Milonem reum non magis invidia facti quam Pompeii damnavit voluntas. quem quidem M. Cato palam lata absolvit sententia; qui si maturius tulisset, non defuissent qui sequerentur exemplum probarentque eum civem occisum, quo nemo perniciosior reipub. neque bonis inimicior vixerat. Aliam causam damnationis profert Plutarchus in Cic. cap. 35. αὐτοῦ τοῦ Μίλωνος εὐδαρῶς καὶ ἀνδρείως παρισταμένου τῷ ἀγῶνι καὶ κόμην θρέψαι καὶ μεταβαλεῖν ἐσθλὰ φαιὰν ἀπαξιώσαντος· ὅπερ οὐχ ἥμισυ δοκεῖ συναίτιον αὐτῷ γενέσθαι τῆς καταδίκης.

[illegible]

74 Feb '41

MAY 31 1968

APR 1 1971

APR 22 REC'D

87C N4

DZ6

04240855

87C. N4
DZ6

CICERO

87CN4

DZ6

04240855

87C.N4
DZ6
CICERO

CICERO

1929

